



Headline	UPSI guna kaedah psikometrik		
MediaTitle	Harian Metro		
Date	02 Oct 2013	Color	Full Color
Section	Variasi	Circulation	324,097
Page No	V7	Readership	1,981,000
Language	Malay	ArticleSize	160 cm ²
Journalist	N/A	AdValue	RM 5,887
Frequency	Daily	PR Value	RM 23,548



UPSI guna kaedah psikometrik

Universiti Pendidikan Sultan Idris (UPSI) melancarkan projek psikometrik yang dibangunkan bersama agensi penyelidik negara, MIMOS yang bakal digunakan sebagai pengukur pelajar dan staf akademik di universiti terbabit. Projek psikometrik mempunyai empat komponen yang menilai kesesuaian pelajar terhadap topik pembelajaran, sekali gus memaksimumkan pembelajaran mereka pada masa depan.

Ketua Kluster Psikometrik MIMOS Dr Haniza Yon berkata, empat komponen yang dibangunkan bersama agensi terbabit dan UPSI termasuk Ujian Kecenderungan, Tahap Kecekapan dalam teknologi maklumat dan komunikasi (ICT), Ujian Bahasa Inggeris dengan Bantuan Komputer serta Ujian Nilai BITARA.

“Berdasarkan projek ini, ia mampu membina profil pelajar yang membolehkan keputusan dibuat bagi memilih pelajar yang benar-benar sesuai berasaskan keupayaan mereka serta menilai tahap keupayaan staf universiti,” katanya.

Projek terbabit dirasmikan Timbalan Menteri Sains, Teknologi dan Inovasi (MOSTI), Datuk Dr Abu Bakar Mohamad Diah.

Katanya, ia adalah masa yang tepat untuk Malaysia mengguna pakai pendekatan sistematik dan objektif memberi manfaat bukan saja kepada universiti, tetapi komuniti untuk jangka masa panjang.

Kluster Psikometrik MIMOS membantu mempromosikan kaedah psikometrik secara teori dan teknik yang berkait rapat dengan psikologi.



ABU Bakar (kiri) merasmikan projek psikometrik UPSI sambil diperhatikan Dr Haniza.